

Cietheiq Mbouj Ndaej Lumz Bohmeh

□ Couh Fuloz / 周付乐


Sai: It ndwen daengz cietheiq, Yaek aeu geiq bohme, Bohme ciengx raeuz geq, Gyoengqde mbouj yungzheih.	Mbwk: Ndiep bohme daihsam, Cienfanh mbouj ndaej lumz, Bohme geq raegrumj, Mbouj ndaej lumz gyoengqde.	Sai: Ndiep bohme daihcaet, Yaepyaep sim dungx genz, Bohme mbouj youq henz, Sim caemh genz daengz de.	Mbwk: Ndiep bohme daihcib, Gaiq laeg vit bohme, De yied ngoenz yied geq, Hawj de youq sim' onj.
Mbwk: It ndwen daengz cietheiq, Aeu geiq bohme gonq, Gaiq aeu caj vunz son, Geiq ndawsim bonjfaenh.	Sai: Ndiep bohme daihseiq, Ngeix lumj ciengx lwgnding, Bohme hawj aencingz, Ndawsim raeuz aeu rox.	Mbwk: Ndiep bohme daihcaet, Gwn byaek maz dungx genz, De langh mbouj youq henz, Sim caemh genzringing.	Sai: Banneix bohme geq, Laeg hawj de cimz hoj, De seng raeuz caiq goq, Sinhøj baenz ciuh vunz.
Sai: Ndiep bohme daih' it, Mbouj ndaej vit ndaej ce, Guenj de lumj lwnyez, Mbouj ndaej ce lanhcieh.	Mbwk: Ndiep bohme daihseiq, Raeuz aeu geiq ndawsim, Gyoengqde geq goh gim, Aeu gvansim bohme.	Sai: Ndiep bohme daihbet, Raeuz mbouj get gaiq gwn, Goq gyoengqde gyang fwngz, Cungj dwnx hawj gyoengqde.	Mbwk: Banneix bohme geq, Laeg hawj de fanz sim, De ndiep raeuz lumj gim, Itdingh aeu roxsoq.
Mbwk: Ndiep bohme daih' it, Ngitngit saeh aeu you, Daengz donq raeuz gwn caeuz, Mbouj ndaej lumz bohme.	Sai: Ndiep bohme daihhaj, Miz maz gwn couh heuh, Gaiq laeg diem de deuz, Heuh bohme riengz gwn.	Mbwk: Ndiep bohme daihbet, Raeuz mbouj ged mbouj caeu, Donq gwn ringz gwn caeuz, Heuh daeuj caemh daiz gwn.	Sai: Banneix bohme geq, Hawj de youq simhai, Lwgmbwk caeuz lwgsai, Wnggai ndiep doxdoengz.
Sai: Ndiep bohme daihngeih, Raeuz yaek geiq ndawsim, Ngoenz gwn caeuz gwn ringz, Raeuz yaek cingj bohme.	Mbwk: Ndiep bohme daihhaj, Miz maz gwn couh naeuz, De dwg bohme raeuz, Heuh daeuj caemh congz gwn.	Sai: Ndiep bohme daihgouj, Bouxbox aeu roxndeq, Bohme ciengx raeuz geq, Gyoengqde gwn hoj lai.	Mbwk: Banneix bohme geq, Hawj de youq simhai, Yaek gvaq ciuh daengz byai, Hawj bak hai naj riu.
Mbwk: Ndiep bohme daihngeih, Raeuz yaek geiq ndaw dungx, Gyoengqde ciengx raeuz hung, Mbouj ndaej lumz aencingz.	Sai: Ndiep bohme daihroek, Daj goek ndiep daengz byai, Guenj daengz laemx daengz dai, Aeu lai niemh bohme.	Mbwk: Ndiep bohme daihgouj, Bouxbox aeu roengz dungx, De ciengx raeuz baenz hung, Mbouj ndaej lumz gij cingz.	Sai: Bohme raeuz sinhoj, Raeuz doq boiz mbouj hwnj, Raeuz ndaej daeuj lajmbwn, Wnggai gyo' mbaiz de.
Sai: Ndiep bohme daihsam, Mbouj diunanz bohme, Daengz donq raeuz miz nyeq, Heuh gyoengqde daeuj gwn.	Mbwk: Ndiep bohme daihroek, Daj goek gyaep roengzbae, De langh byaij mbouj ndaej, Raeuz caemh gyaep yiengh gaeuq.	Sai: Ndiep bohme daihcib, Raeuz mbouj vit mbouj ce, Raeuz caemh miz ngoenz geq, Ngoenzde raeuz caemh nanz.	Mbwk: Bohme raeuz sinhoj, Raeuz ndaej goq baenz lai, Coenz raez mbouj wnggai, Dahraix sim ndiep de.

·Sawcuenhvaez Lwngyez·

Gij Golwngyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

Raemxdah sawdikdik, gou byaengq da ndaem haeuj ndaw raemx, din fwngz doengzseiz haengrengz vad le geij mbat, couh mumjgyumq yawjraen baihnaj miz diemj saeknding he langh youq laj raemx, gou baez iet fwngz, laihnaeuz gaenq gaemhdawz aen maknganx haenx lo, byawz rox baihhenz gingqyienz vang ok cik fwngz daeuj, beij gou lij vaiq coemj bae. Neix caen dwg hangz gou gvaqbouh lo! Maknganx yaek daengz ndaw fwngz deng bouxwnq ciengj bae, gou baenz-neix nyengjgouj, baenzlawz haengj dingzfwngz? Baez daeb song ga, song fwngz gaemh faj fwngz haenx, buek-mingh gaemh ndaet, siengj daj ndaw fwngz de ciengj maknganx dauqdaeuj. Bouxde mingzyienj hix mbouj dwg bouxnyieg, gij faj fwngz de geng-ndongj miz rengz raixcaix, hawj gou youq laj raemx itseiz fouzfap beng hai lwgfwngz de, doeklaeng song boux dou cijnde doengzseiz bongh ok gwnz-raemx daeuj diemheiq. Byoq ok gaemz raemxdah ndeu, bibi gyaep, yaepyaep lwgda, cij yawj ndaej cingcuj bouxde yenzlaiz dwg Ah Cang. “Ai! Dwg mwngz ha!” De miz di doeksaet, doq ndenq maknganx ndaw fajfwngz hawj gou: “W, suenq duh mwngz.” Ndawsim gou yenzlaiz gaenq miz di hozndat de lo, caiq yawj aen maknganx haenx gaenq deng de nap ndaej naeng dek raemx lae, lumj ndingq youz coh ndaw feiz nei, iet fwngz coux aen maknganx gvaqdaeuj gyux coq gwnz naj de, de song fwngz



gaemhdawz le gij hozfwngz gou, de gingqyienz gamj fanj gou. Gou engq hozgaek lo, song gen baez nyup, got aen hoz de, songdou doengzseiz caez ndaem roengz ndaw raemx bae. Gizyawz lwgsai cungj luenh hemq luenh heuh hwnjdaeuj, mizmbangj aeu fajfwngz mboengj raemx coh baih dou, mizmbangj ndwn youq gizfeuz luenh diuq. Yawj vunz doxgonh ceiz miz yinxdaeuz lo. (caengz sat)